
Y CABINET DYDD MAWRTH, 3 MAI 2016

Yn bresennol-

Y Cynghorwyr: Dyfed Wyn Edwards (Cadeirydd), Dyfrig L. Siencyn (Is-Gadeirydd), Peredur Jenkins, John Wynn Jones, Dafydd Meurig, Gareth Thomas, Ioan Thomas, Mandy Williams-Davies a Dyfrig Jones

Hefyd yn bresennol-

Dilwyn Williams (Prif Weithredwr), Morwena Edwards (Cyfarwyddwr Corfforaethol), Dafydd L. Edwards (Pennaeth Cyllid), Iwan G. Evans (Pennaeth Gwasanaeth Cyfreithiol), Huw Ynyr (Uwch Reolwr - Technoleg Gwybodaeth a Thrawsnewid) a Vera Jones (Rheolwr Aelodau - Gwasanaeth Democrataidd)

1. YMDDIHEURIADAU

Croesawyd Aelodau'r Cabinet a Swyddogion i'r cyfarfod.

Derbyniwyd ymddiheuriadau gan y Cyng. William Gareth Roberts, y Cyng. Mair Rowlands ac Iwan Trefor Jones.

2. DATGAN BUDDIANT PERSONOL

Nid oedd unrhyw ddatganiad o fuddiant personol.

3. MATERION BRYD

Nid oedd unrhyw fater brys.

4. MATERION YN CODI O BWYLLGORAU CRAFFU

Croesawyd Cadeirydd y Pwyllgor Craffu Corfforaethol, y Cyng. Dyfrig Jones i'r cyfarfod gan y Cyng. Dyfrig Siencyn.

Croesawyd y cyfle i gryfhau cyfathrebu uniongyrchol rhwng y Cabinet a'r Pwyllgorau Craffu gan yr holl Aelodau a oedd yn bresennol. Roedd yr adroddiad a gyflwynwyd yn cynnwys argymhellion gan y Pwyllgor Craffu Corfforaethol ar dair eitem.

Ymateb i'r adroddiad –

A. Eitem – Strategaeth Caffael Cyngor Gwynedd: Rheolaeth Categori a Chadw'r Budd yn Lleol

Nododd y Cyng. Mandy Williams-Davies y dyhead i gynyddu'r budd a gedwir yn

Ileol ac fe eglurodd yr angen i godi ymwybyddiaeth, o fewn a thu allan i'r Cyngor. Nododd hefyd ei pharodrwydd i ddiweddarau'r Pwyllgor Craffu bob 6 mis a croesawodd unrhyw drafodaethau pellach.

Cadarnhawyd y byddai'r Aelodau'n ailymweld â chynnydd y strategaeth gaffael, â sylw penodol i reolaeth gategori ymhen 6 mis.

B. Eitem – Strategaeth Technoleg Gwybodaeth Ddrafft

Croesawodd y Cyng. Peredur Jenkins y pwyntiau a gyflwynwyd gan y Pwyllgor Craffu a diolchodd i'r Pwyllgor am eu rhan yn y trafodaethau.

C. Eitem – Budd i Wynedd o Gadw'r Treth Fusnes

Croesawodd y Cyng. Dyfrig Siencyn y pwyntiau a gyflwynwyd gan y Pwyllgor, a nododd yr argymhelliad na ddylai'r Cyngor ysgrifennu at Lywodraeth Cymru ar hyn o bryd i ofyn am yr un telerau i Gymru a sy'n bodoli yn Lloegr.

Diolchodd y Cyng. Dyfrig Siencyn i'r Cyng. Dyfrig Jones a'r Pwyllgor am eu gwaith a croesawodd y drafodaeth defnyddiol.

5. COFNODION Y CYFARFOD A GYNHALIWDYD AR Y 15FED O FAWRTH 2016

Llofnododd y Cadeirydd gofnodion cyfarfod y Cabinet a gynhaliwyd ar 15fed o Fawrth 2016.

6. STRATEGAETH TECHNOLEG GWYBODAETH (2016-18)

Cyflwynwyd yr adroddiad gan y Cyng. Peredur Jenkins.

Eiliwyd yr adroddiad gan y Cyng. Dafydd Meurig.

PENDERFYNIAD

1. Mabwysiadu'r Strategaeth Technoleg Gwybodaeth ac i'r perwyl o wireddu'r strategaeth, ariannu dwy swydd Rheolwr Cyfrif (gyda sgiliau dadansoddwr busnes/rheoli prosiect) am £74,000 yn barhaol, drwy ddefnyddio tanwariant y flwyddyn flaenorol ar gyfer 2016/17 a rhagfarnu llwyddiant cais am adnoddau erbyn 2017/18.

2. Er mwyn cyfarch pryderon y Pwyllgor Craffu Corfforaethol, y dylid ychwanegu ffrwd gwaith ychwanegol i'r Strategaeth o dan y gweithgaredd "*Technoleg fel galluogwr i drawsnewid a chyflawni*" i ystyried a yw'r cydbwysedd rhwng diogelwch ac hwylustod defnyddio'r dechnoleg yn gywir.

7. YMATEB I OFYNION RHAN 8 O DDEDDF GWASANAETHAU CYMDEITHASOL A LLESIANT (CYMRU) 2014

Cyflwynwyd yr adroddiad gan y Cyng. Dyfrig Siencyn ar ran y Cyng. W Gareth Roberts a'r Cyng. Mair Rowlands.

Eiliwyd yr adroddiad gan y Cyng. Gareth Thomas.

PENDERFYNIAD

Mabwysiadu a gweithredu'r Protocol a gyflwynwyd fel Atodiad 1 i'r adroddiad i sicrhau ein bod yn ymateb yn llawn i ofynion Rhan 8 o Ddeddf Gwasanaethau Cymdeithasol a Llesiant (Cymru) 2014.

8. YMATEB I OFYNION RHAN 9 O DDEDDF GWASANAETHAU CYMDEITHASOL A LLESIANT (CYMRU) 2014

Cyflwynwyd yr adroddiad gan y Cyng. Dyfrig Siencyn ar ran y Cyng. W Gareth Roberts a'r Cyng. Mair Rowlands.

Eiliwyd yr adroddiad gan y Cyng. Dafydd Meurig.

PENDERFYNIAD

1. Derbyn nodi sefydlu'r Bwrdd Partneriaeth Rhanbarthol, yn unol â Rhan 9 o Ddeddf Gwasanaethau Cymdeithasol a Llesiant (Cymru) 2014.
2. Cefnogi sefydlu'r Bwrdd Cysgodol Partneriaeth Rhanbarthol am y cyfnod hyd nes bydd y trefniadau ffurfiol wedi eu cadarnhau.
3. Enwebu y Cyng. William Gareth Roberts, Aelod Cabinet Oedolion, Iechyd a Llesiant, sydd â chyfrifoldeb o fewn y maes gwasanaethau cymdeithasol, i eistedd ar y Bwrdd Partneriaeth Rhanbarthol. Enwebu'r Cyng. Mair Rowlands, Aelod Cabinet Plant, Pobl Ifanc a Hamdden fel dirprwy.
4. Ymrwymo i ariannu'r costau i gefnogi'r trefniadau rhanbarthol o 2017/18, yn unol â'r lefel trefniadau presennol.
5. Cyn cytuno i unrhyw strwythur arfaethedig y dylid gofyn am ragor o waith er mwyn manylu ymhellach ar gyfansoddiad y Bwrdd Partneriaeth Rhanbarthol, y drefn llywodraethu, ac yn arbennig y llinellau atebolrwydd a'i berthynas gyda'r Bwrdd Gwasanaethau Lleol a'r Bwrdd Gwasanaethau Cyhoeddus.

9. TROSOLWG PERFFORMIAD CYNGOR GWYNEDD 2015/16 - MEYSYDD PLANT A PHOBL IFANC, Y GYMRAEG, CYNGOR EFFEITHIOL AC EFFEITHLON A CHYNLLUNIO ARIANNOL

Cyflwynwyd yr adroddiad gan y Cyng. Dyfed Edwards.

Eiliwyd yr adroddiad gan y Cyng. John Wynn Jones.

PENDERFYNIAD

Derbyn a nodi'r wybodaeth yn yr adroddiad a gyflwynwyd i'r cyfarfod..

Dechreuodd y cyfarfod am 1.00 y.h. a daeth i ben am 3.20 y.h.

CADEIRYDD